

CINNEADH CUR CHUN FEIDHME (AE) 2022/2452 ÓN gCOIMISIÚN**an 8 Nollaig 2022****lena leagtar síos sonraíochtaí teicniúla breise i ndáil leis an Doiciméad Taistil Éigeandála AE arna bhunú le Treoir (AE) 2019/997 ón gComhairle ⁽¹⁾***(a bhfuil fógra tugtha ina leith faoi dhoiciméad C(2022) 8938)*

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Threoir (AE) 2019/997 ón gComhairle an 18 Meitheamh 2019 lena mbunaítear Doiciméad Taistil Éigeandála AE agus lena n-aisghairtear Cinneadh 96/409/CBES ⁽²⁾, agus go háirithe Airteagal 9(1) de,

De bharr an mhéid seo a leanas:

- (1) Le Treoir (AE) 2019/997 leagtar síos rialacha maidir leis na coinníollacha agus an nós imeachta i dtaca le saoránaigh nach ndéantar ionadaíocht orthu i dtríú tíortha chun go bhféadfaidís Doiciméad Taistil Éigeandála AE a fháil ("DTÉ AE") agus leis an Treoir sin bunaítear formáid aonfhoirmeach le haghaidh an doiciméid, arb é atá i gceist léi foirm aonfhoirmeach DTÉ AE agus greamán aonfhoirmeach DTÉ AE.
- (2) Sna hlarscríbhinní a ghabhann le Treoir (AE) 2019/997, leagtar amach sonraíochtaí nach mór don fhoirm DTÉ AE agus don ghreamán DTÉ AE a chomhlíonadh. Is gá anois sonraíochtaí teicniúla breise a bhunú maidir le dearadh, formáid agus dathanna na foirme aonfhoirmí agus an ghreamáin aonfhoirmigh DTÉ AE, na ceanglais maidir le hábhar agus teicnící priontála na foirme aonfhoirmí DTÉ AE, agus gnéithe agus ceanglais slándála lena n-áirítear caighdeáin fheabhsaithe in aghaidh an bhrionnaithe, an ghóchumtha agus an fhalsaithe.
- (3) Chun an góchumadh agus an falsú a chosc, agus i bhfianaise chineál mionsonrach na sonraíochtaí teicniúla breise a leagtar amach i gCuid II den larscríbhinn a ghabhann leis an gCinneadh seo, is gá iad a choimeád faoi rún agus gan iad a fhoilsiú.
- (4) Chun a áirithiú go mbeidh doiciméid tagartha ar fáil, ba cheart do na Ballstáit samplaí dá gcuid DTÉna AE a chur ar fáil dá chéile agus don Choimisiún mar aon le samplaí de rití cló a dhéanfar ina dhiaidh sin a choimeád.
- (5) Tá na bearta dá bhforáiltear sa Chinneadh seo i gcomhréir leis an tuairim ón gCoiste arna bhunú le hAirteagal 6 de Rialachán (CE) Uimh. 1683/95 ón gComhairle ⁽³⁾,

TAR ÉIS AN CINNEADH SEO A GHLACADH:

Airteagal 1

Na sonraíochtaí teicniúla breise i ndáil leis na réamhriachtanais, na treoracha agus na caighdeáin maidir leis an Doiciméad Taistil Éigeandála AE ("DTÉ AE") a tháirgeadh, is iad na sonraíochtaí a leagtar amach i gCuid I den larscríbhinn a bheidh iontu.

Na sonraíochtaí teicniúla breise i ndáil le dearadh, formáid agus dathanna na foirme aonfhoirmí agus an ghreamáin aonfhoirmigh DTÉ AE, na ceanglais maidir le hábhar agus teicnící priontála na foirme aonfhoirmí DTÉ AE, agus gnéithe agus ceanglais slándála lena n-áirítear caighdeáin fheabhsaithe in aghaidh an bhrionnaithe, an ghóchumtha agus an fhalsaithe, is iad na sonraíochtaí a leagtar amach i gCuid II den larscríbhinn a bheidh iontu. Déanfar Cuid II den larscríbhinn a rúnaicmiú mar SECRET UE/EU SECRET.

⁽¹⁾ SECRET UE/EU SECRET non classifiée en l'absence de la partie II de l'annexe/neamh-rúnaicmithe nuair nach mbíonn sé ag gabháil le Cuid II den larscríbhinn.

⁽²⁾ IO L 163, 20.6.2019, lch. 1.

⁽³⁾ Rialachán (CE) Uimh. 1683/95 ón gComhairle an 29 Bealtaine 1995 lena leagtar síos formáid aonfhoirmeach le haghaidh víosaí (IO L 164, 14.7.1995, lch. 1).

Airteagal 2

Cuirfidh gach Ballstát sampla tagartha dá DTÉ AE chuig an gCoimisiún agus chuig na Ballstáit eile. Coimeádfaidh gach Ballstát samplaí de rití cló a dhéanfar ina dhiaidh sin agus coimeádfaidh siad iad lena gcur ar fáil don Choimisiún agus do na Ballstáit eile.

Airteagal 3

Is chuig na Ballstáit a dhírítear an Cinneadh seo.

Arna dhéanamh sa Bhruiséil, an 8 Nollaig 2022.

Thar ceann an Choimisiúin

Didier REYNERS

Comhalta den Choimisiún

IARSCRÍBHINN

Sonraíochtaí teicniúla breise i ndáil leis an Doiciméad Taistil Éigeandála AE

Cuid I:

Réamhriachtanais, treoracha agus caighdeáin le haghaidh an táirgthe ⁽¹⁾

	<i>page</i>
1. CONTENTS	50
2. INSTRUCTIONS REGARDING PRODUCERS	50
3. PHYSICAL SECURITY	50
3.1. PRODUCTION BUILDINGS	50
3.2. SECURITY PERSONNEL	50
3.3. SECURITY CONTROL ROOM	51
3.4.. VISITORS OR THIRD-PARTY ACCESS	51
3.5. PERSONNEL ACCESS	51
3.6. PRODUCTION AREA CONTROL	51
3.7. HANDLING OF INCOMING & OUTGOING MATERIALS	51
3.8. DELIVERY ASPECTS	51
4. SECURITY OF PRODUCTION METHODS AND MATERIALS	52
4.1. PLATES	52
4.2. PAPER	52
4.3. DIFFRACTIVE OPTICALLY VARIABLE IMAGE DEVICE	52
4.4. SECURITY INKS	53
4.5. STORAGE	53
5. QUALITY CONTROL	53
6. REFERENCES	53

⁽¹⁾ SECRET UE/EU SECRET non classifiée en l'absence de la partie II de l'annexe/neamh-rúnaicmithe nuair nach mbíonn sé ag gabháil le Cuid II den larscríbhinn.

1. CLÁR

Sa chuid seo den larscríbhinn, leagtar amach na rialacha maidir le Doiciméad Taistil Éigeandála an Aontais Eorpaigh (DTÉ AE) a tháirgeadh.

Féadfar an chuid seo den larscríbhinn a chur ar fáil do chlódóirí slándála ionchasacha, mar chuid de phróiseas tairisceana cuir i gcás.

2. TREORACHA MAIDIR LE TÁIRGEOIRÍ

Tithe clódóireachta nó institiúidí slándála, bíodh siad poiblí nó príobháideach, arna gcoimisiúnú ag na Ballstáit agus iad in ann doiciméid ardslándála a tháirgeadh, is iad na heagraíochtaí sin amháin a dhéanfaidh DTÉnna AE a tháirgeadh.

Ní mór do na cuideachtaí nó do na hinstiúidí sin a bheith in ann a n-inniúlacht a chruthú maidir leis an táirgeadh sin a ghabháil do láimh. Ní mór don táirgeoir a cheannoifig a bheith lonnaithe san Aontas agus ní mór táirgeadh DTÉnna AE a dhéanamh san Aontas freisin.

Ní féidir táirgeadh DTÉnna AE a sheachfhoinsiú chuig tríú páirtí (ní bhaineann sé sin leis na hamhábhair ná leis na comhpháirteanna, snáithíní agus páipéar slándála cuir i gcás), ach amháin má údaraíonn an Ballstát a eisíonn an conradh maidir le táirgeadh an Doiciméid Taistil Éigeandála AE é sin agus má chuirtear in iúl don Choimisiún é. Ina theannta sin, cuideachtaí tríú páirtí a thugann faoi chuid de tháirgeadh DTÉnna AE, ní mór dóibh cloí leis na caighdeáin agus na cleachtais slándála a liostaítear sa doiciméad seo.

Ní mór don táirgeoir a bheith deimhnithe i gcomhréir le caighdeán ISO 9001 “Córas Bainistíochta Cáilíochta” agus ISO/IEC 27001 “Córais bainistíochta slándála faisnéise”.

Ina theannta sin, ní mór don táirgeoir deimhniú ISO 14298 reatha “Bainistiú Próiseas Priontála Slándála” (CWA 14641 roimhe seo) a bheith aige, deimhniú a dheimhnítear a bheith ar leibhéal “rialtasach” ar a laghad nó atá i gcomhréir leis an rialáil náisiúnta choibhéiseach.

Ní mór do tháirgeoirí sonraí i ndáil le deimhnithe um iniúchadh slándála a sholáthar arna iarraidh sin don Bhallstát.

Ní mór do na Ballstáit a áirithiú go gcloíonn na táirgeoirí leis na rialacha sin agus ní mór dóibh fógra a thabhairt don Choimisiún maidir leis an gcuideachta a roghnaíodh chun an táirgeadh a dhéanamh.

Aon sárú slándála i ndáil le DTÉnna AE, ábhair bhunúsacha nó slándáil fhisiciúil na saoráidí tráth an táirgthe, ní mór don táirgeoir é a thuairisciú don Bhallstát, agus ní mór don Bhallstát an méid sin a chur in iúl don Choimisiún gan moill mhíchuí.

3. SLÁNDÁIL FHSICIÚIL

Na ceanglais a leagtar amach sa roinn seo, is sa bhreis ar ISO 14298 atá siad agus bíonn siad éigeantach agus DTÉnna AE á dtáirgeadh. Tá siad infheidhme freisin maidir le hábhair, táirgí leathchríochnaithe agus stóráil DTÉnna AE.

Ní mór slándáil fhisiciúil na n-áitreabh agus na bhfoirgneamh táirgthe a chothabháil i gcomhréir le ISO 14298 agus le Ceanglais Deimhniúcháin Intergraf (go háirithe Catagóir Riosca E “Ionradh fhisiciúil agus riosca a bhaineann le rochtain”) nó leis an rialáil náisiúnta choibhéiseacha.

Gach duine (fostaithe, pearsanra slándála, cuairteoirí, tríú páirtithe, etc.) atá i láthair san áitreabh nó i bhfoirgnimh táirgthe an táirgeora, ní mór iad a rialú i gcomhréir le Ceanglais Deimhniúcháin Intergraf ISO 14298 nó leis an rialáil náisiúnta choibhéiseacha.

3.1. FOIRGNIMH TÁIRGTHE

Ní mór gach foirgneamh ina stóráiltear agus ina bpróiseáiltear amhábh, táirgí leathchríochnaithe agus táirgí críochnaithe a bheith deimhnithe ar leibhéal “Rialtasach” ar a laghad i gcomhréir le ISO 14298 nó leis an rialáil náisiúnta choibhéiseacha.

3.2. PEARSANRA SLÁNDÁLA

Ní mór don táirgeoir roinn speisialta ar leith nó cuideachta slándála chreidiúnach dheimhnithe a úsáid, mar aon le pearsanra slándála dea-oilte, a bheidh freagrach as slándáil na n-áitreabh agus na limistéar táirgthe. Moltar an cuideachta slándála seachtrach a bheith deimhnithe maidir le gnéithe cáilíochta (e.g. ISO 9001, DIN 77200).

3.3. SEOMRA RIALAITHE SLÁNDÁLA

Ní mór don táirgeoir seomra rialaithe slándála a bheith aige san áitreabh táirgthe. Ní mór bearta slándála fisiciúla ceanglais EN 50518 a chomhlíonadh (níl gá le deimhniú), é sin nó rialáil/caighdeáin náisiúnta a chomhlíonadh. De mhaolú ar an abairt roimhe seo, is féidir dialltaí ó EN 50518 a bheith ann ar choinníoll go bhfuil siad bunaithe ar mheasúnú riosca. Ní mór an doras rochtana chuig an seomra rialaithe slándála a bheith feistithe ag an mbealach isteach agus ag an mbealach amach le léitheoir cárta nó le córas rialaithe um rochtain bhithmhéadrach ina dtaifeadtar gach iontráil agus gach imeacht ón seomra, agus ní mór é a bheith feistithe le feidhm a chuireann bac ar an gcárta a thabhairt siar go dtí an chéad duine eile.

Moltar beirt oibreoirí (gardaí) ar a laghad a bheith i láthair i gcónaí. Moltar gur fostaithe de chuid an táirgeora a bheadh sna hoibreoirí (gardaí) sin.

3.4. ROCHTAIN CUAIRTEOIRÍ NÓ TRÍÚ PÁIRTITHE

Ní mór aon rochtain tríú páirtí nó cuairteora ar limistéir an táirgthe a rialú go docht maidir le ISO 14298. Ní mór na daoine sin a thionlacan i gcónaí agus ní mór dóibh a suaitheantas aitheantais a chaitheamh ar bhealach infheicthe i gcónaí.

3.5. ROCHTAIN PEARSANRA

Ní mór rochtain ar limistéir an táirgthe a shrianadh ionas gur ag fostaithe údaraithe amháin a bheidh sí trí chóras rialaithe um rochtain a fheidhmíonn go dian ar bhonn duine ar dhuine. Ní mór nós imeachta um rialú rochtana a bheith i bhfeidhm. Moltar gan rochtain a thabhairt ach ar bhonn riachtanais eolais.

3.6. RIALÚ LIMISTÉAR AN TÁIRGTHE

Ní mór limistéir an táirgthe a rialú i gcónaí. Nuair nach mbíonn limistéir an táirgthe in úsáid, ní mór iad a chur faoi ghlas go fisiciúil agus faireachán a dhéanamh orthu.

Má bhíonn gá le rochtain ar limistéir an táirgthe nuair nach mbíonn táirgeadh ar siúl, ní mór an roinn slándála a chur ar an eolas agus ní mór do phearsanra na roinne a bheith i láthair le linn na rochtana sin. I gcásanna den sórt sin, ní ceadmhach go bhféadfaí dul isteach i limistéir an táirgthe gan pearsanra na roinne slándála a bheith i láthair go fisiciúil (agus an eochair nó na heochracha i seilbh duine nó daoine ar leith).

3.7. LÁIMHSHEÁIL ÁBHAR ISTEACH AGUS AMACH

Ní mór don táirgeoir limistéir loingseoireachta agus seachadta tiomnaithe a bheith ar fáil chun déileáil le hábhair agus táirgí isteach agus amach. Gach doras loingseoireachta agus seachadta, lena n-áirítear geata an fháil imlíne, an doras idirmheánach agus an doras loingseoireachta agus seachadta inmheánach, ní mór iad a fheidhmiú ar bhonn leictreonach agus comhghlasála a fhágann gurb amhlaidh, nuair a bhíonn ceann de na doirse ar oscailt, go mbíonn an ceann eile nó na cinn eile daingnithe go leictreonach.

Ní mór próisis a bheith i bhfeidhm chun scagadh a dhéanamh ar chuairteoirí agus ar thiománaithe na bhfeithiclí a iompraíonn na hábhair sin. Ní mór loga a choinneáil ar gach seachadadh ábhair.

3.8. GNÉITHE SEACHADTA

Ní mór don Bhallstát a eisíonn an conradh agus don táirgeoir seachadadh na DTÉnna AE a rialú. Ós rud é go meastar gur ítimí slándála ardriosca iad DTÉnna AE críochnaithe nach ndearnadh pearsantú orthu go fóill, ní mór an t-iompar a bheith chomh slán agus is féidir.

Ní mór measúnú riosca cineálach a dhéanamh agus a dhoiciméadú maidir le gach cineál iompair agus ní mór aon bhearta slándála breise a mheastar a bheith riachtanach a chur chun feidhme (e.g. feithicil armúrtha, feithicil tionlacain). Ní mór athbhreithniú a dhéanamh ar na measúnuithe sin aon uair a thagann athrú ar na cúinsí ábhartha.

Ní mór faireachán a dhéanamh ar gach gníomhaíocht luchtaithe agus díluchtaithe – lena n-áirítear seachadadh chuig an bpáirtí is faighteoir – agus é sin a dhéanamh faoi dhé-stiúradh, is é sin, rialú ina bhfuil beirt nó níos mó páirteach.

Ní mór sraithuimhreacha na DTÉnna AE atá á n-iompar a léiriú ar na páipéir iompair.

Moltar stádas agus suíomh na bhfeithiclí a iompraíonn táirgí priontála slándála a sheiceáil go tráthrialta le linn an iompair. Ní mór dhá chóras neamhspleácha ar a laghad a bheith ann, córais lena n-áirítear cumarsáid éifeachtach le comhpháirtithe seachtracha i gcás aon chur isteach ar an iompar.

Ní mór aon neamhrialtacht (e.g. aon pháirtí lena mbaineann gan na híoscheanglais iompair sin a chomhlíonadh, ionsaí ar an lucht atá á iompar nó cailteanas ar aon chúis le linn an iompair) a thuairisciú láithreach don chuideachta táirgthe.

Ní ceadmhach rochtain a bheith ann ar na táirgí slána ón taobh istigh de chábán an tiománaí agus ní mór an urrann ina n-iompraítear na hearraí a bheith déanta as miotal, a bheith foriata go hiomlán (tá cosc ar fheithiclí a bhfuil cabhalra cuirtíneach acu) agus rochtain a bheith ann le haghaidh luchtú agus díluchtú trí dhoras glasáilte. Ní ceadmhach eochracha na nglas a iompar taobh istigh den fheithicil.

4. SLÁNDÁIL MODHANNA TÁIRGTHE AGUS ÁBHAR

Sa roinn seo, leagtar amach an fhaisnéis slándála is gá maidir leis na hítimí a úsáidtear chun an Doiciméad Taistil Éigeandála AE a tháirgeadh. Ní mór don táirgeoir rian iniúchóireachta iomlán a choimeád ón uair a thagann ábhair shlándála isteach go dtí seachadadh na DTÉna AE, iniúchóireacht lena gcumhdaítear scriosadh ábhair mhillte nach bhfuil ag teastáil nó ábhair leathchríochnaithe.

Ina theannta sin, is faoin táirgeoir atá an rogha agus an fhreagracht maidir le soláthróirí amhábhhar agus, i gcás inar gá, ní mór don Bhallstát ábhartha iad a fhormheas freisin. Moltar na soláthróirí amhábhhar slándála deimhnithe a bheith deimhnithe a oiread céanna agus atá ag na táirgeoirí – go háirithe maidir le ISO 14298. I gcás ina measfaidh an táirgeoir go bhfuil an soláthróir creidiúnach iontaofa (agus i gcás ina ndearbhóidh an táirgeoir é sin le seiceálacha dá réir sin) ach nach bhfuil an soláthróir deimhnithe, ní mór formheas a fháil ón mBallstát ábhartha a eisiann an conradh agus ní mór don Bhallstát fógra a thabhairt don Choimisiún dá réir.

4.1. PLÁTAÍ

Moltar na plátaí priontála uile le haghaidh an Doiciméid Taistil Éigeandála AE a tháirgeadh ar áitreabh an táirgeora údaraithe ina ndéantar DTÉna AE a tháirgeadh. Mura mbeidh gá leis na plátaí priontála a thuilleadh (e.g. mar gheall ar chaitheamh agus cuimilt, lochtanna, etc.) ní mór iad a chur sa riocht nach féidir iad a úsáid a thuilleadh agus ní mór iad a scriosadh go slán ar bhealach iomchuí.

Plátaí a dhéanadh a bheith ag teastáil le haghaidh rití táirgeachta eile amach anseo, ní mór iad a stóráil i limistéar slán in áitreabh na cuideachta.

I gcás nach mbeidh an táirgeoir in ann na plátaí a tháirgeadh ina n-áitreabh féin, ní fhéadfar na plátaí priontála is gá a ordú ach amháin ó tháirgeoir plátaí creidiúnach, ceann a tháirg plátaí le haghaidh an Ghreamáin Víosa AE cuir i gcás. Mar sin féin, ní mór an táirgeoir plátaí sin a bheith deimhnithe de réir ISO 14298. Ní fhéadfar na plátaí sin a sheachadadh chuig táirgeoirí údaraithe ach amháin tar éis údarú a fháil ón mBallstát. Ní mór fógra faoi sin a chur chuig an gCoimisiún freisin.

4.2. PÁIPÉAR

Ní mór dianrialú a dhéanamh ar an bpáipéar a tháirgtear le haghaidh an Doiciméid Taistil Éigeandála AE. Tá feidhm ag an dianrialú sin maidir leis an bpáipéar a mhonarú agus leis na céimeanna breise is gá (an taca greamaitheach a chur leis). Ní mór iniúchadh slándála a dhéanamh ar gach rolla agus gach bileog chun cuntasacht sa slabhra soláthair a áirithiú.

Ní mór an páipéar ar fad atá le seachadadh chuig táirgeoir DTÉ AE a chomhaireamh roimh an seachadadh. Ní mór na bileoga a sheachadtar chuig an táirgeoir agus a úsáidtear le linn an táirgthe a sheiceáil agus cuntas a thabhairt iontu.

Ní mór modh iompair slán a úsáid chun an páipéar a sheachadadh chuig na táirgeoirí. Ní mór measúnú riosca cineálach a dhéanamh agus a dhoiciméadú maidir leis an iompar agus ní mór aon bhearta slándála breise a mheastar a bheith riachtanach a chur chun feidhme (e.g. feithicil armúrtha, feithicil tionlacain). Ní mór athbhreithniú a dhéanamh ar na measúnuithe sin aon uair a thagann athrú ar na cúinsí ábhartha.

4.3. GAIREAS DÍRAONTA ÍOMHÁNNA ATÁ INATHRAITHE GO HOPTÚIL

Ní mór táirgeadh agus úsáid an Ghairis Íomhánna atá Inathraithe go hOптúil (DOVID) le haghaidh an Doiciméid Taistil Éigeandála AE a bheith faoi réir próiseas rialaithe agus ní mór cuntas a thabhairt ann. Áirítear leis sin ní hamháin na paistí DOVID iomlána ach táirgí leathchríochnaithe agus táirgí millte nó dramhtháirgí.

Ní mór modh iompair slán a úsáid chun na paistí DOVID a sheachadadh chuig na táirgeoirí údaraithe. Ní mór an líon DOVIDanna atá le seachadadh a chlárú.

Ní mór na paistí DOVID atá le húsáid in áitreabh na dtáirgeoirí a rialú agus ní mór cuntas a thabhairt iontu freisin. Ní mór aon dramhábhar a stóráil ar bhealach slán agus féadfar é a scríosadh go slán tráth is faide anonn de réir mar is cuí. Ní mór cuntas a thabhairt i ngach paiste ionas gur féidir rian iniúchóireachta iomlán a chur ar fáil más gá.

Féadfaidh an Coimisiún nó Ballstát ordú a chur isteach le haghaidh DOVID ar bhonn bliantúil i bhfoirm ordaithe ghrúpáilte chun an praghas a laghdú i gcás na mBallstát aonair. Tá na Ballstáit freagrach as na socruithe conarthacha agus na socruithe airgeadais i gcomhréir leis an ordú grúpáilte. Ní féidir ach le táirgeoirí ar tugadh fógra dóibh páirt a ghlacadh san ordú grúpáilte le haghaidh DOVID.

4.4. DÚIGH SHLÁNDÁLA

Úsáidtear dúigh shlándála chun an Doiciméad Taistil Éigeandála AE a tháirgeadh agus tá úsáid na ndúich sin srianta. Is féidir na dúigh a ordú ó sholáthraithe creidiúnacha, ó tháirgeoirí DTÉ AE eile, nó iad a tháirgeadh in áitreabh na dtáirgeoirí. Ní fhéadfaidh táirgeoir na dúigh sin a sheachadadh chuig táirgeoir údaráithe eile go dtí go mbeidh cruthúnas faighte aige ar údarú an dara táirgeoir i leith DTÉna AE a tháirgeadh.

Ní mór na dúigh shlándála a stóráil i limistéar slán. Tá gá le próiseas iniúchóireachta chun taifead a choinneáil ar na dúigh shlándála a úsáidtear i bpróiseas an táirgthe.

4.5. STÓRÁIL

Is féidir na hábhair a úsáidtear i dtáirgeadh DTÉna AE a chatagóiriú mar a leanas:

- Ábhair Bhunúsacha (e.g. dúigh, páipéar slándála)
- Modhanna bunúsacha (e.g. clóphlátaí)
- Táirgí Leathchríochnaithe (foirmeacha neamhchríochnaithe agus/nó greamáin nach raibh faoi réir gach céime den táirgeadh)
- DTÉ AE críochnaithe — Foirm agus Greamán

Chun an táirge a stóráil agus a láimhseáil, is gá slándáil, cuntasacht agus rialú oiriúnach a bheith ann ag gach céim den phróiseas. Moltar go gcomhlíonadh limistéir stórála na riachtanais a bhíonn ag seomraí láidre (féach ISO 14298).

5. RIALÚ CÁILÍOCHTA

Féadfaidh gach táirgeoir DTÉ AE a shonrú, i gcomhairle leis an mBallstát a údaraíonn an táirgeadh, cé na rialuithe cáilíochta a mholtar a dhéanamh ag gach céim den táirgeadh. Leis na rialuithe cáilíochta sin, ní mór a áirithiú go bhfuil na DTÉna AE a tháirgtear i gcomhréir leis na sonraíochtaí teicniúla arna mbunú le Treoir (AE) 2019/997 ón gComhairle agus leis na gníomhartha cur chun feidhme a glacadh ar bhonn na Treorach sin, ionas gurb é a laghad éagsúlachta is féidir a bheidh ann ó thaobh cáilíocht DTÉna AE i measc baisceanna táirgthe éagsúla.

I gcás ina dtáirgtear DTÉna AE nach gcomhlíonann na sonraíochtaí teicniúla agus i gcás ina gcuirtear i gcúrsaíocht iad, ní mór don Bhallstát lena mbaineann fógra a thabhairt láithreach do na Ballstáit eile agus don Choimisiún.

6. TAGAIRTÍ

ISO 14298	Bainistiú próiseas priontála slándála (CWA 14641 roimhe seo)
EN 50518	Ionad um fhaireacháin agus um fháil aláram
ISO 9001	Córais bainistíochta cáilíochta
ISO 27001	Córais Bainistíochta Slándála Faisnéise